

En Stake oh Ward Kaweid en Pilahn ong Anahn Karuwaru

Konsel en stake oh ward kan kak doadoahngki mehn kaweid wet pwehn kawada de kaweliakapwada arail pilahn ong anahn karuwaru kan. (tehk *Handbook 1: Stake Presidents and Bishops* [2010], 5.1.3 oh 5.2.11).

Pilahn en stake oh ward kan anahne en wewehiang pilahn kan me mieier nan wasahn kousoan akan. Kaun akan kak malipehda me semen nan pali en sawas kan pwe en sawas ni ahnsoun anahn karuwaru kan. Pilahn me keieu mwahu kin mwotomwot oh sohte diren ire sawehwe. E konehng kaunsel kan en kin tetehk oh kamwahualala pilahn kan ahnsou koaros.

Keieu: Kilelehdi Kahpwal kan me kin kak Pwarada

Kairekehdi kahpwal kan (me kin pein pwarada de wiawihda sang aramas) me ele pahn pwarada nan ahmw wasa. Ong ehuehu kahpwal, kilelehdi soangen epwel dah me anahne pwehn apwaliah kahpwal. (Karasepe: Kahpwal me kin kawehla ihmw kan me rasehng reren en sahpw, lulda, lapake de engmah—ehu wiepen epwel me anahne en mie iei en ropada wasahn kousoan en lepin ahnsou ong irail me imwarail kan ohla.)

Keriau: Kihpene Dahnggeh kan me anahne en mie

Kihpene oh kolokol soahng pwukat:

- Wasahn kousoan de nempehn delepwohn oh eden toweh kan oh misineri kan koaros me mihmi nan irepen stake de ward kan.
- Ehu map en wasao, me pahn kasalehda wasa me imwen toweh kan oh misineri kan mihie.
- Eden toweh kan me mie arail anahn tohrohr, rasehng me kohwa soumwahu oh me mah.
- Eden towehkan me mie arail dipwsou de semen en doadoahk (me raseng toahkte, de me alehdi kaiahn en doadoahk) me anahnepe laud nan kahpwal kan.
- Nempehn delepwohn en palien sawas kan en kopwerment (me rasehng, polihs, imwen wini oh wasahn kakun kisiniei).
- Nempehn delepwohn en palien sawas teikan (me rasehng, Red Cross de Red Crescent) me kin kak sawaskihda kisin mwenge, ihmw oh wini ni ahnsoun kahpwal kan.
- Nempehn delepwohn en kaun en sawas akan en lopidi de area oh, wasa me mie, pali en sawas en Mwomwohdiso nan ahmw wasa.

Kesiluh: Koasoanehdi Pwukoah kan oh Wiepen Doadoahk kan

Koasoanehdi ia mwoamwen konselo eh pahn kauwada oh katanga ehuehu pwukoah me irekdi pah, oh idiada ihs me pahn pwukoahki ehuehu pwukoah oh ia mwoamwen arail pahn apwaliah pwukoaho. Pilada ehu wasa oh pil wasa tohrohr me kak wiliandi, me tohn konsel kan kak tuhpenie mwurinte kahpwal pwe ren kak kaweid doadoahk en epwel oh sawas kan.

Mwohn ehu kahpwal

- Koasoanehdi wiepen ehuieng oh doadoahkpepe nanpwungen kaun kan en nan wei oh pali en sawas teikan.

Mwurinte ehu kahpwal

- Esehda oh repwohtki ia iren towehkan oh misineri kan.

Repwoht en towehkan anahne en kin kohdo sang irail me wia sounpadahk en pas nan peneinei kan oh kohiang kaun en quorum de pwihn en ohl akan, me pahn uhd peuse repwoht ong pisop. Pisop kan pahn uhd peuse repwoht kan ong president en stakeo.

- Sawas kilangada peneinei kan me salongpeseng oh kihirailpene.
- Alehdi wini oh mehn sawas ong irail akan me ohla de me ahniki kohwa soumwahu kan.
- Wehwehieng kaun kan en wei oh pali en sawas teikan doadoahk en sawas me wiwiawi kan.
- Tenekih anahn kan oh koasoanehdi soangen sawas kan me pahn anahn—me rasohng mwenge, wasahn keiru ong ansoukis, wiepen mwakelekel, oh likou—en kak kohda ong towehkan oh mehteikan.
Kaun en palien sawas en Area oh, wasa me mie, palien sawas en Mwomwohdiso pil kak alahdi pwe ren sawaskihda dipwisou oh soahng teikan.
- Esehda oh repwohtki duwen ihmw en Mwomwohdiso oh dipwisouih teikan.

Nan ansou kis mwurinte kahpwal ehu

- Kihda sawas ong towehkan me arail tungoal ihmw de dipwisou kan ohla, me tungoaleniki pahtou oh pwunod, de me arail tungoal doadoahk en mour ohla.
- Ehuong kaun kan en wehi oh palien sawas teikan kilelehdi oh kihda sawas me Mwomwohdiso kak sewesehki wasahn kousoan akan.

Kapahieu: Kilelehdi Wiepen Koasoakoasoipene nan Kahpwal kan

Kilelehdi oh koasoanehdi ehu wiepe tohrohr me kak wiliandi wiepen koasoakoasoipene kan ma selin delepwohn kan, cell pwohn kan, de ahlen weren nansapw akan solahr kak doadoahk nan ahnsoun kahpwal. Wiepen koasoipenehkan kak iangahki:

- Koasoipene nan Internet (iangahki email, mehn kapehse teikan, oh delepwohn nan Internet).
- Pekeder en nting nan cell pwohn (met kin kak wiawi ahnsou me ngihl sohla kak pekeder).
- Doadoahngki radio en mahs.
- Pwarala sang ni alu, dak pwaisikel, oh soahng teikan. (Misineri kan pil kak iang sawas.)

Ma anahnpe, kaun en priesthood kan pil kak malipe ekei tohn arail sarawi en wia soun kadokepene pakair kan. Soun pakair semen kan kin kolokol dipwisou pakair kan oh alehdier kaiahn laud nan soangen doadoahko.

En Stake oh Ward Kaweid en Pilahn ong Anahn Karuwaru—pepeusla

Kelimau: Kangoange Towehkan en kin Onohnop

Ahnsou koaros kin kangoangehki towehkan en kin wie onohnop oh kin idawehn kaweid kan me sansal nan lepin pwuhk kan *All Is Safely Gathered In: Family Home Storage* (04008) oh *All Is Safely Gathered In: Family Finances* (04007). Wasa me mepwukat kak wiawihie:

- Nan mihting kan en Quorum oh Pwihn en Sawas en Lih.
- Mihting en kamadipw sarawi de nan padahk kan en tiepene en stake.
- Nan irehn mahsen en padahk en pas kan.